

Հարգելի՛ ընթերցող,

Արցախի Երիտասարդ Գիտնականների և Մասնագետների Միավորման (ԱԵԳՄՄ) նախագիծ հանդիսացող **Արցախի Էլեկտրոնային Գրադարանի** կայքում տեղադրվում են Արցախի վերաբերյալ գիտավերլուծական, ճանաչողական և գեղարվեստական նյութեր՝ հայերեն, ռուսերեն և անգլերեն լեզուներով: Նյութերը կարող եք ներբեռնել ԱՆՎՃԱՐ:

Էլեկտրոնային գրադարանի նյութերն այլ կայքերում տեղադրելու համար պետք է ստանալ ԱԵԳՄՄ-ի թույլտվությունը և նշել անհրաժեշտ տվյալները:

Շնորհակալություն ենք հայտնում բոլոր հեղինակներին և հրատարակիչներին՝ աշխատանքների էլեկտրոնային տարբերակները կայքում տեղադրելու թույլտվության համար:



Уважаемый читатель!

На сайте **Электронной библиотеки Арцаха**, являющейся проектом **Объединения Молодых Учёных и Специалистов Арцаха (ОМУСА)**, размещаются научно-аналитические, познавательные и художественные материалы об Арцахе на армянском, русском и английском языках. Материалы можете скачать БЕСПЛАТНО.

Для того, чтобы размещать любой материал Электронной библиотеки на другом сайте, вы должны сначала получить разрешение ОМУСА и указать необходимые данные.

Мы благодарим всех авторов и издателей за разрешение размещать электронные версии своих работ на этом сайте.

Dear reader,

The Union of Young Scientists and Specialists of Artsakh (UYSSA) presents its project - **Artsakh E-Library** website, where you can find and download for FREE scientific and research, cognitive and literary materials on Artsakh in Armenian, Russian and English languages.

If re-using any material from our site you have first to get the UYSSA approval and specify the required data.

We thank all the authors and publishers for giving permission to place the electronic versions of their works on this website.

Մեր տվյալները – Наши контакты - Our contacts

Site: <http://artsakhib.am/>

E-mail: info@artsakhib.am

Facebook: <https://www.facebook.com/www.artsakhib.am/>

ВКонтакте: <https://vk.com/artsakhiblibrary>

Twitter: <https://twitter.com/ArtsakhELibrary>



ԱՐԹՈՒՐ
ՄԿՐՏՉԵԱՆ

ԻՆՉ Է
ՏԵՂԻ ՈՒՆԵՑԵԼ
ՀԱԴՐՈՒԹՈՒՄ



ԱՐԹՈՒՐ ՄԿՐՏՉԵԱՆ

Ի՞նչ է ՏԵՂԻ ՈՒՆԵՑԵԼ
ՀԱԴՐՈՒԹՅՈՒՄ

Արցախեան ազատամարտն ըստ էութեան անբաժան մասն է կազմում Հայ Դատի: Այն պայքարի, որ Հայ ժողովուրդը մղում է ի պաշտպանութիւն հայրենի հողի, սեփական գոյութեան պահպանման եւ ազգային արժանապատուութեան:

Այդ ազատամարտի իւրաքանչիւր դրուագը, իւրաքանչիւր սխրանքը, յաղթանակներն ու պարտութիւնները սերտօրէն առնչում են մեր ժողովրդի եւ առհասարակ Հայաստան աշխարհի ճակատագրի հետ եւ թողնում են իրենց անջնջելի հետքը նրա ապագայի, նրա առաջընթացի ու զարգացման հողովոյթի վրայ: Ուստի եւ անհրաժեշտ է, որ Արցախեան ազատամարտին վերաբերող ամէն մանրամասնութիւն ամուր դրոշմով մեր մտապատկերում, որպէսզի ոչ ոք, ոչ մի քաղաքական գործիչ չփորձուի կրկնել սխալները, թիավարել հոսանքն ի վեր ընդդէմ Հայ ժողովրդի գերագոյն շահերի, եւ նրան առաջնորդել դէպի կործանման անդունդը:

Ով չի սերտում, պատմութեան դասը, հակամէտ է գայթելու իր գործունեութեան ընթացքին եւ կամայ-ակամայ դաւաճանելու սեփական ժողովրդին, հայրենիքին ու նրա շահերին: Ուստի պէտք է, որ յետնորդ սերունդների յիշողութեան համար գրուեն, պատմուեն ժամանակակից պատմութեան բոլոր դէպքերը, խօսուեն այն պատճառների մասին, որոնց հետեւանքները կրում ենք այսօր եւ որոնց արձագանգները պիտի զգան ապագայ սերունդները:

Արցախի ազատագրութեան համար մղուած պայքարում, թշնամու կողմից հայաթափման անկրօնումներում, նրա հայացման համար առնուող քայլերում եւ այդ հակադիր ձգտումները բարդ ու մանուածապատ փոխյարաբերութիւններում շատ բան կայ ուսանելի: Արցախեան ազատամարտում 1991ի ամառը յատկանշուած է իբրեւ հայաթափման փուլ, երբ ազդեցիկ թուրքերը կոթնած ուռսական սուխին մէկը միւսի յետեւից հայաթափում էին Հաղբութի շրջանի գիւղերը, տեղահանում հայ ազգաբնակչութեանը եւ նրանք վերաբնակեցնում թուրքերով: Փաստօրէն կրկնուած էին Մեծ եղեռնի դէպքերը, անշուշտ աւելի փոքր մասշտաբներով: Եթէ երկու դէպքում էլ անկայ էին ցեղապաշտական, պան-

№ 6322

ՀՐԱՏԱՐԱԿՈՒԹԻՒՆ ՀԱՅ ՅԵՂԱՓՈՆԱԿԱՆ ԴԱՇՆԱԿՑՈՒԹԵԱՆ

«ԴԷՊԻ ԵՐԿԻՐ»
ՄԱՏԵՆԱՇԱՐ
ԹԻԻ 3

«Mesrop M. Sh. University»

№ 10785
11 2018

Թիրաքական ձգտումները, ապա երկրորդի պարագային դրան անելանում էր Հայաստանի իշխանութիւնների կողմից Արցախեան հարցում կիրառուած սխալ քաղաքականութիւնը:

1991ի ամռանը Հաղրութում հայաթափ եղած զիւղերը այժմ ազատագրուած են շնորհիւ հայ ազատամարտիկների աննկուն պայքարի, ռազմական սխրաչափ զործողութիւնների եւ նահատակ զինուորների թափած բոսոր արեան: Չկայ այսօր նաեւ Հաղրութի իրադարձութիւնների ականատես, անմիջական մասնակից ու ղեկավար զիրքերում զէնքը ձեռքին կոռուած Արթուր Մկրտչեանը՝ Լեւոնային Ղարաբաղի Հանրապետութեան Գերագոյն Խորհրդի անդրանիկ նախագահը, որի եղբերական մահը տեղի ունեցաւ մի քանի օր առաջ: Նրա զրչին պատկանող այս զրքոյկը, որ գրուած է Հաղրութի հայաթափման անմիջական ու թարմ տպատւութեան տակ, մի թանկագին մասունք է, որ հնարաւորութիւն կը տայ բոլորին ճիշտ տեսնելու եւ ճիշտ ըմբռնելու 1991ի ամռանը Հաղրութում տեղի ունեցած իրադարձութիւնները, գտնելու պատասխանատուներին եւ ճիշտ կողմնորոշուելու ապագայում որդեգրուելիք քաղաքականութեան մէջ:

Հայկական պահանջատիրութեան, Միացիալ Հայաստանի ստեղծման ուղու վրայ Արցախեան ազատամարտը հանդիսանում է առաջին հանգրուանը: Ուրանալ Արցախեան դատը, փորձել թօթափել այդ անուրը զանազան պատրուակներով կամ հայավնաս լուծումներով, նշանակում է դաւաճանել Հայ Դատին ընդհանրապէս: Նա որ պաշտպան չի կանգնի Արցախեան Դատին չի կարող երբեւէ պահանջատէր հանդիսանալ հայ ժողովրդի իրաւունքների եւ հայապատկան հողերի համար:

Հաղրութի հայաթափումը պիտի ահազանգի սերունդներին, թէ ամբողջական հայութեամբ ամբողջական Հայաստանի համար հայապատկան իւրաքանչիւր թիզ հողի պաշտպանութիւնը ինչպէս անցեալում, նոյնպէս եւ ներկայիս ու ապագայում մեր ժողովրդի նուիրական ու անդավաճանելի պարտականութիւնն է:

Խ. Տ.-Գ.

Ի՞նչ է ՏԵՂԻ ՈՒՆԵՑԵԼ ՀԱՂՐՈՒԹԻ ՇՐՋԱՆՈՒՄ

Ես նպատակ չունեմ քաղաքական վերլուծութիւններ կատարելու եւ չեմ էլ յաւակնում որը կատարուածը ներկայացնել ամենայն մանրամասնութեամբ եւ ճշգրտութեամբ, որովհետեւ ինքս էլ շատ բանից տեղեակ չեմ, կամ տեղեակ եմ, երկրորդ նոյնիսկ երրորդ անձի միջոցով: Սակայն երկու հիմնական հարցի կարծում եմ անհրաժեշտ է պատասխանել: Սպասելի՞ էին արդեօք այն իրադարձութիւնները, որոնք տեղի ունեցան շրջանում, եւ հնարաւոր էր դրանք կանխել, թէ՛ ոչ: Առաջ անցնելով միանգամից պատասխանեմ, որ ընդհանուր քաղաքական առումով եւ տեսականօրէն սպասում էին այդ իրադարձութիւնները եւ այն կարելի էր կանխել միայն բարձր քաղաքական մակարդակով: Գործնականում քչերն էին սպասում ու հաւատում իրադարձութիւնների նման ընթացքին եւ փաստօրէն ոչինչ կամ շատ քիչ բան ձեռնարկուեց: Պիտի ասել, որ համընդհանուր խունապի ու շփոթուածութեան պայմաններում հնարաւոր չէր անելիս անել բռնազաղթը կանխելու համար: Սակայն բոլորն այսօր միանշանակ այն կարծիքին են, որ վճռական լինելու դէպքում հնարաւոր էր գոնէ գիւղերի բռնազաղթը, թալանը կանխել եւ որոշ տեղերում դա յաջողուեց: Սակայն միս կողմից էլ վճռական լինելուն խանգարեցին ստոյգ տեղեկութիւնների պակասը եւ կրկին ու կրկին խունապի ու շփոթուածութիւնը: Եթէ Ստեփանակերտում չանսայով Հաղրութի զնացող ահազանգերին՝ մայիսի 13ին կատարուածը համարեցին ընդամենը անձնագրային ռեժիմի ստուգում եւ հանգստացրին շրջանի ղեկավարութեանը, իսկ 14ին ու 15ին էլ փաստօրէն էական ոչինչ չձեռնարկուեց, չնայած ակնյայտ էր արդէն դեպրոտացիայի ուղղութեամբ կատարուող զործողութիւնները, ապա Հաղրութում 15ին եւ 16ին արդէն հոգեբանօրէն շատ-շատերը հաշտուել էին դեպրոտացիայի մտքի հետ եւ չէին կասկածում որ մէկ երկու օրից յետոյ ալիքը կը հասնի շրջկենտրոն: Ճիշտն ասած ինձ համար էլ պարզ չէ մինչեւ վերջ թէ ինչը կանգնեցրեց դեպրոտացիայի թափ առնող անիւր:

Իսկ այժմ ամէն ինչի մասին հերթականութեամբ: Ապրիլի կեսերին Հաղրութում լուրեր տարածուեցին, թէ սպասում են անձնագրային ռեժիմի մեծ մասշտաբի ստուգումներ ամենայն հաւանականութեամբ աղբրեջանական կողմի մասնակցութեամբ եւ հնարաւոր են ձերբակալութիւններ: Ստուգումները սկսուեցին ապրիլի 25ին եւ երեք օրում անցնելով շրջանի հիւսիսային ենթաշրջանի համարեա բոլոր գիւղերով՝ Ապրիլի 28ին ալիքը հասաւ Հաղրութ: Իրականացնողը ներքին գործերի ստորաբաժանումներն էին, որոնք ուղեկցում էին քաղաքացիական հազուատով աղբրեջանցիներ: Վերջիններս ներկայանում էին որպէս դատախազութեան աշխատակիցներ: Այդ օրերի աւարը մեծ չէր, մի քանի որսորդական հրացան եւ մի քանի ձերբակալուածներ, որոնք տեղափոխեցին Ֆիզուլի: Ժողովուրդը այս երկու տարում սովորել էր այդ ամէնին եւ կատարուածը ըն-

դունուեց հանգիստ: Միեւնոյն ժամանակ, իհարկէ, շրջանի ղեկավարութեան եւ ձերբակալուածների հարազատների կողմից սկսուեցին միջոցներ ձեռնարկուել ձերբակալուածներին ազատելու համար: Այդ նպատակով դիմում էին առաջին հերթին պարետատանը եւ նաեւ ադրբեջանական կողմին այլ եւ այլ միջնորդների միջոցով: Առաջ անցնելով ասեմ, որ հիմնականում ձերբակալուածները ազատ էին արձակուում որոշակի գումար կորզելուց յետոյ միայն, ընդ որում ոչ միայն նրանցից ում նկատմամբ քրեական գործ էր յարուցուում, այլեւ նրանցից ում առանց որեւէ պատճառի վարչական կալանքի էին ենթարկուում:

Ապրիլի 29ին օրը բացուեց տազնապով: Լուսադէմին Տոդ գիւղում ներքին գործերի եւ այս անգամ արդէն ադրբեջանական կողմից ձերբակալուել էին 6 հոգի սովխոզի դիրեկտորի գլխաւորութեամբ: Ձերբակալութիւնները կատարուել էին որոշակի սկզբունքներով, նախապէս կազմուած ցուցակով, որի մէջ գրանցուում էին սովորաբար, ինչպէս ցոյց տուեցին հետագայ դէպքերը եւս, գիւղի ղեկավարները եւ շարժման ակտիւիստները: Տոդի որոշ ակտիւիստներ նախապէս հեռացել էին գիւղից եւ նրանց չյաջողուեց ձերբակալել: Նոյն օրը որոշ մարդկանց ձերբակալութեան փորձ կատարուեց Հադրութում, սակայն անյաջող: Ձերբակալուածներին նոյնպէս Ֆիզուլի տեղափոխեցին եւ միայն աստճուն եւ իրենց է յայտնի թէ ինչ ծաղրուծանակի ու չարչարանքների են ենթարկուել նրանց: Այս դէպքերը օգտագործուեցին շրջանի որոշ ղեկավար աշխատողների կողմից անելի ակտիւօրէն պրոպագանդելու ադրբեջանցիների հետ բանակցութիւնների անհրաժեշտութիւնը, քանի դեռ «բանը բանից չի անցել»: Պէտք է ասել, որ այդ նոյն օրերին յամառօրէն լուրեր էին պատուում, - որոնց ստուգութեանը դժուար է հաւատալ -, որ Հադրութի հարեւան ադրբեջանական շրջաններում գործերի կուտակումներ կան, որոնք գտնուում են անմիջապէս Մութալիբովի կարգադրութեան տակ, եւ որ իբր Գորբաչովը մայիսի 4ից 15ը ժամանակ է տուել Մութալիբովին Ղարաբաղի հարցը իր ուզած ձեւով լուծելու համար: Այս եւ այլ լուրերն անելի էին ուժեղացնում տազնապը եւ ամէն քիչ թէ շատ նշանակալից իրադարձութիւն շրջանում մեծ խուճապի տեղիք էր տալիս: Այսպէս դեռեւս ապրիլի 25ին ուղղաթիւներից ռմբակոծութեան ենթարկուեցին Հադրութի շրջակայ անտառը եւ այդ անտառով Հադրութ մտնող խճուղին, որի ընթացքում շարքից դուրս եկաւ Հադրութում տեղակայուած սահմանապահ զօրամասի մեքենան, իսկ նրա ուղեւորները հրաշքով փրկուեցին: Այդ նոյն հրաձգութեան ժամանակ վիրաւորուեց ճանապարհի վրայ հսկողութիւն իրագործող ներքին գործերի կարգախմբի զինուորներից մէկը:


Այդպէս էլ մնաց չպարզուած, թէ ինչ ուղղաթիւներ էին, որտեղից, ո՞ւմ հրամանով եւ ինչո՞ւ էին գնդակոծուում: Իսկ ենթադրութիւններ ու վարկածներ՝ ինչքան ուզէք: Գումարած նաեւ վախ, որ նման բան կարող է կրկնուել ցանկացած պահի եւ ոչ թէ անտառի, այլ բնակավայրի վրայ: Մայիսի մէկին Ֆիզուլի-Տոդ խճուղու վրայ անյայտ հանգամանքներում պայթեց շրջանի ադրբեջանցի կոմունիստների բազայի վրայ ստեղծուած Հադրութի շրջկոմի քարտուղար, Տոդի ինտերնացիոնալ եւ ապա առանձնացուած ադրբեջանական դպրոցի նախկին տնօրէն Նիյազ Ջիւանգիրովի ծառայողական մեքենան, որի ժամանակ

սպանուեցին երեք հոգի: Դա էլ առիթ եղաւ, որ Տոդի ադրբեջանցիները յարձակուեւն գիւղի կապի բաժանմունքի շէնքի վրայ, որը հիմնականում գիւղի հայ բնակչութեանն է սպա- սարկում եւ շարդուփշուր անեն այն, իսկ հայ բնակիչները Ֆիզուլուց թուրքերի յարձակման պոտենցիալ վտանգի տակ խուճապի մատնուեւն եւ կանանց ու երեխաներին դուրս բերեն գիւղից: Խուճապային տրամադրութիւններ ստեղծեց նաեւ որոշ ուղեկալների վերացումը հայ-ադրբեջանական բնակավայրերի սահմանագծում եւ այլն:

Ահա այս պայմաններում շրջանից մի պատուիրակութիւն գնաց Ստեփանակերտ մարզի ղեկավարների կարծիքն իմանալու հետագայ անելիքների մասին: Հանդիպելով առանձին-առանձին Ս. Բաբայեանի, Ս. Դաւթեանի, Հ. Պօղոսեանի հետ եւ միանական որեւէ կարծիք ու խորհուրդ չլսելով՝ նրանք վերադարձան Հադրութ եւ առաջնորդուելով Հ. Պօղոսեանի յայտնած բանակցութիւնների անհրաժեշտութեան մասին կարծիքով, շրջագործկոմում կազմակերպեցին շրջանի ղեկավար աշխատողների խորհրդակցութիւն, որի ընթացքում որոշուեց հիմնարկ ձեռնարկութիւններում անցկացնել ժողովներ եւ բնակչութեան կարծիքը իմանալ բանակցութիւնների հարցի մասին: Սակայն որովհետեւ այդ ամէնը ուղեկցուում էր ազատագրական շարժման եւ նրա ակտիւիստների վարկաբեկման, նրանց հասցէին մեղադրանքներ թափելու կամպանիայով եւ փաստօրէն մարզից անջատ, սեպարատ ձեւով, շարժման ակտիւիստների կողմից որոշ քայլեր ձեռնարկուեցին կանխելու դէպքերի նման անցանկալի ընթացքը: Ժողովները սպասուած արդիւնքը չտուեցին: Կրկին առաջ անցնելով ասեմ, որ Մայիսի 13-16ի դէպքերի ընթացքում, բազմիցս ակտիւիստների հասցէին շրջանի ղեկավարների կողմից հնչեց այն մեղադրանքը, որ բանակցութիւնները նրանց կողմից խանգարելու պատճառով է, որ այսքան օյին եկաւ շրջանի գլխին: Թէ որքանով է հիմնաւոր այս մեղադրանքը թող դատեն ընթերցողները: Ասեմ որ այդ օրերին առանձին հաշտութեան բանակցութիւններ են տեղի ունեցել Առաքիլ գիւղի եւ Ջերբայի շրջանի ներկայացուցիչների միջեւ: Պայմանաւորուածութիւն կար կրկին հանդիպելու, որը սակայն չկայացաւ: Պատճառը, ինչպէս պնդում են շրջանի ղեկավարները, կարծեալ ակտիւիստների բացասական վերաբերմունքն էր այդ հանդիպման նկատմամբ, չնայած Հադրութում շատ շատերը պատկերացում անգամ չունէին այդ ամէնի մասին: Հետաքրքիրն այն է, որ ծանր օրերին շատ շատերը մտահոգուած էին ոչ թէ ծանր վիճակից դուրս գալու հարցով, այլ այդ վիճակի մեղաւորի որոնումով: Եւ պատահական չէ, որ շատ շատերը անիծում էին թէ՛ շարժումը, թէ՛ միացումը, թէ՛ ակտիւիստներին, թէ՛ Հայաստանը, որ այսքան ցաւեր բերեց իրենց: Եւ այս ամէնը արձանագրում եմ որպէս փաստ, առանց որեւէ մեկնաբանութեան, որովհետեւ նման վիճակների մէջ դեռ շատ ենք ընկնելու եւ այն ինչ տեղի է ունեցել Հադրութում, չի բացառուում, որ կրկնուի նաեւ ուրիշ շրջաններում:

Այնուամենայնիւ մի պատուիրակութիւն կազմուած շրջանի որոշ ղեկավար աշխատողներից, վետերաններից եւ ձերբակալուածների հարազատներից մեկնեց Ստեփանակերտ Պոլիսի չկոյի հետ հանդիպման՝ ձերբակալուածների ազատ արձակման հարցով: Այդ հանդիպման գաղափարը յուշել էր ինքը Պոլիս-


1991թ. Մայիսեան բռնագաղթը Հաղրուի շրջանում



ՊԱՅՄԱՆԱԿԱՆ ՆՇԱՆՆԵՐ

- Բռնագաղթի չենթարկուած գիւղեր
- Բռնագաղթի ենթարկուած եւ թալանուած գիւղեր
- ◐ Մասամբ թալանուած գիւղ, որի բնակիչները կրկին վերադարձել են
- ⊕ Նախկինում աներակ հայկական գիւղ
- ▲ Վերականգնուող գիւղ
- ⊖ Մինչեւ 1989 թ. խառը բնակչութիւն ունեցած գիւղեր, որոնք հայաթափուել են
- ⊙ --- Աղբբեջանցիներով բնակեցուած գիւղեր /⊙ լրիւ, ⊙ Տոյ մասամբ/
- Ծամձոր Բռնագաղթից յետոյ աղբբեջանցիներով բնակեցուած գիւղեր
- Ճանապարհներ

Ծանօթութիւն: Հողեր գիւղը Հաղրուի շրջանից Ֆիզուլու շրջանին է անցել 1930 թ.:
 Դուշիլար գիւղը հայերի կողմից լքուել է 1940 թ., հետագայում բնակեցուել է աղբբեջանցիներով եւ 1991 թ. ստացել գիւղի ստատուս:



Վերարտադրուիւն Արթուր Մկրտչեանի կազմած Բարուզի

Արթուր Մկրտչեանի ձեռնով գծուած Բարուզից հատուած

նիչկոն եւ ձերբակալուածների հարցը ուղղակի առիթ էր, որովհետեւ ակնյայտ էր, որ հարկ եղած դէպքում նա կարող էր առանց խնդրանքի էլ ազատ արձակել ձերբակալուածներին:

Այսպիսով Մայիսի 13ի դէպքերի նախօրեակին ադրբեջանական կողմը փորձեր էր անում կոնտակտի մէջ մտնել հայկական կողմի հետ, իսկ շրջանում էլ կային մարդիկ, որոնք պատրաստ էին գնալու դրան եւ միայն իրենց ասելով էլ սարակական կարծիքի ճնշման տակ ստիպուած էին ձեռնպահ մնալ, չնայած համոզուած էին, որ շրջանի փրկութիւնը բանակցութիւնների գնալու մէջ է, որովհետեւ թէ՛ ադրբեջանցիների եւ թէ՛ ռուսների կողմից բազմաթիւ նախագոյշացումներ էին յայտնում սպասուելիք վատ դէպքերի մասին:

Մայիսի 13ին եւ հետագայ օրերին Առաքելում (Առաքիւ) եւ Ենթաշրջանի գիւղերում ներքին զօրքերի եւ ՕՍՍի կատարած խուզարկութիւնների ու ձերբակալութիւնների մասին լսուել: Այստեղ կարելի էր շրջանի բնակչութեան եւ ղեկավարների վերաբերմունքն էլ դէպքերի նկատմամբ: Ինչպէս սկզբում նըշուել է, Ստեփանակերտ գնացած ահազանգերին պատասխանեցին, որ չպէտք է խուճապի մատնուել, քանի որ ընդամենը անձնագրային ռեժիմի ստուգում է: Սակայն այդ օրը երեկոյեան արդէն Բանաձոր եւ Տոր գիւղի բնակիչները կանխատեսելով, որ յաջորդ օրը Առաքելում տեղի ունեցածը կը կրկնուի իրենց գիւղերում, կանանց ու երեխաներին տեղափոխեցին Հաղրութ: Մայիսի 14ին ստուգումները եւ վայրագութիւնները շարունակուում էին, մարդկանց ստիպում էին ստորագրել դիմումներ մարզի տարածքը կամաւոր թողնելու մասին: Երեկոյեան լուր ստացուեց Ջիլանում երկու տուն վառելու մասին: Սպասում էր որ յաջորդ օրը ստուգումներ կը լինեն Հաղրութում: Ուշ գիշերին շրջկենտրոնում տեղի ունեցաւ միտինգ, որի ընթացքում ժողովրդին կոչ արուեց լինել զգօն, զսպուած եւ տեղիք չտալ պրովոկացիայի: Պէտք է ասել, որ այդ օրերին Գետաշէնի սինդրոմը իր դերը խաղաց Հաղրութում՝ փաստօրէն կաշկանդելով եւ զերծ պահելով որեւէ ակտիւ գործողութիւնից: Միեւնոյն ժամանակ պայմանաւորուածութիւն ձեռք բերուեց մի պատուիրակութիւն ուղարկելու մարզային ղեկավարութեան հետ հանդիպելու եւ ստեղծուած վիճակից դուրս գալու քաղաքական քայլեր ձեռնարկելու համար: Հիմնականում շօշափում էր բանակցութիւնների անհրաժեշտութեան գաղափարը եւ արդէն հնչում էին առաջարկութիւններ անմիջապէս Մութալիբովին դիմելու մասին: Սակայն Մայիսի 15ին Ստեփանակերտ գնալու հարցը ինքնին վերացաւ, ինչ որ կապուած էր վիճակի հետագայ բարդացման հետ: Առաքելցիներին արդէն ուլտիմատում էին ներկայացրել գիւղից հեռանալու մասին: Այնտեղ ձերբակալել էին Հաղրութի ութ միլիցիոներներ: Շարունակուում էր առաքելցիների, ցորեցիների, բանաձորցիների հոսքը Հաղրութ: Մնացած գիւղերից իրարամերժ տեղեկութիւններ էին գալիս: Ամենուր խուճապ էր ու շփոթ: Այդ օրը տեղի ունեցաւ շրջկենտրոնի հասարակութեան կարճ ժողով, որտեղ որոշուեց հեռագրով դիմել Մութալիբովին: Սակայն հեռագիրը չարուեց, որովհետեւ շրջանի ղեկավարութիւնը այնուամենայնիւ չէր համարձակուում ինքնուրոյն այդ քայլին գնալ, իսկ մարզկենտրոնը որոշակի ոչինչ չէր անում: Նոյն 15ի օրը Արփագաղուկում սպանուեցին գիւղի 11 ծերունի բնակիչներից 4ը:

16ի առաւօտեան ստուգումներ սկսուեցին Էդիլուփ Ենթաշրջանի գիւղերում: Թում էր թէ խուճապի ու փախուստի ալիքը կ'ընդգրկէր նաեւ այդ գիւղերը, սակայն բարեբախտաբար դա տեղի չունեցաւ:

Սահմանապահ զօրամասի հետ կապ ունեցող շատ հաղորդութիւններ սկսեցին իրենց ունեցուածքը տեղափոխել այնտեղ եւ գիշերում էին այնտեղի իրենց ծանօթների կամ բարեկամների մօտ: Համընդհանուր խուճապը, անորոշութիւնը, գիւղերից ստոյգ տեղեկութիւնների բացակայութիւնը եւ վտանգը, որ դիմադրութեան փորձը կարող է յանգեցնել արհիւսահեղութեան այնպէս, ինչպէս պատահեց Գետաշէնում, կաշկանդել էր թէ՛ ղեկավարութեանը եւ թէ՛ ակտիւիստներին: Միայն յետոյ պարզ դարձաւ, որ փաստօրէն 16-17ին զօրքն ու ՕՍՍը ետ էին քաշուել եւ գիւղերում սկսուել էր թալանը, որը կարելի էր կանխել վճռական ու կազմակերպուած լինելու դէպքում: Իսկ 16ին դեռեւս իշխում էր այն տեսակետը, որ բռնագաղթն անխուսափելի է եւ անհրաժեշտ է միայն ժամանակ շահել նորմալ գաղթելու համար: Գուցէ այսօր ցաւալի է եւ ամօթալի այս մասին գրելը, բայց դա փաստ է, որ տեղի է ունեցել: 16ի երեկոյեան շրջգործկոմից տարածուեց այն լուրը, որ իբր Ստեփանակերտում ղեկավարութեան որոշ ներկայացուցիչներ մտել են Պոլիանիչկոյի մօտ եւ Ադրբեջանի գերիշխանութիւնը ընդունելու պայմանով հասել թալանի եւ բռնութիւնների ու բռնագաղթի դադարեցմանը: Որ իբր Կրիւչկովի անունից հեռագիր է ստացուած Դուանլարից եւ Առաքելից բռնագաղթուածների շարասիւնը կանգնեցնելու եւ յետ տալու մասին: Ըստ այդ տեղեկութեան բաց էր մնացել միայն ակտիւիստների հարցը եւ պարզ չէր նրանց կը թոյլատրուի հանգիստ լքել մարզի սահմանները, թէ կը ձերբակալուեն: Թէ ո՛վ է Ստեփանակերտից հաղորդել այս ամենը, ի՞նչն է աղաւաղուած, ի՞նչն էր իրօք ճիշտ, ի՞նչը սխալ, այսօր էլ գոնէ ինձ համար դեռ պարզ չէ: Պարզ է միայն, որ նման ոչ մի բան իրականում չէր եղել: Մինչդէռ այդ օրը անելի համոզիչ լինելու համար ասում էին, որ «ժամանակ» ծրագիրը համապատասխան տեղեկութիւն է հաղորդելու եւ շատերը նստած հեռուստացոյցերի առջեւ սպասում էին հաղորդմանը, որը սակայն չեղաւ: Այս ամենը այսօր անլուրջ է թում, սակայն դա է եղել իրականութիւնը: Եւ միայն 17ի յաջորդ օրը, երբ գիշերը թաքնուելուց ու անգործութեան մատնուելուց յետոյ դուրս եկանք շրջկենտրոն, պարզ դարձաւ որ ոչ մի բանակցութիւն ու պայմանաւորութիւն էլ չի եղել: Հաղրութում ձերբակալութեան ու բռնութիւնների նշաններ չկան, իսկ գիւղերում շարունակուում են թալանն ու բռնագաղթը: Առաւօտեան Հաղրութ հասաւ Խանաձորից հետիոտն փախածների շարասիւնը:

17ի երեկոյեան դէմ արդէն ուշացումով ջոկատներ ուղարկուեցին Ծամձոր եւ Տոր, որի շնորհիւ փաստօրէն կանխուեց այդ գիւղերի թալանը: Այդ օրը խանաձորցիների մի մասը յետ դարձաւ գիւղ եւ կարողացաւ կանխել գիւղի հետագայ թալանը, որն արդէն սկսուել էր: Սակայն Առաքելի, Բանաձորի, Քարազլիսի, Միւլքուդարայի, Դուանլարի թալանը շարունակուեց նաեւ յաջորդ օրը 18ին եւ 19ին:

Այդ գիւղերի դիրքերի բաց լինելը, զինուած կերպով գիւղերին մօտենալիս ՕՍՍի ծուղակում յայտնուելու վտանգը - իսկ անգէն գնալը նման պայմաններում անիմաստ էր - հնարաւորութիւն չտուեցին որեւէ ձեւով կատարելու թա-

լանը կանխելու ուղղությամբ: Բացի այդ կաշկանդիչ էին նաև Հաղորդից գիւղերում գտնուող խմբերին հաղորդուող այն լուրերը, որոնց համաձայն լուր էր սպասուում, թէ շուտով գինուորական պահակախմբեր էին ուղարկելու, ուղղաթիռներ գալու հաւանականութիւն կայ, հարկաւոր է զգոյշ լինել եւ այլն: Այնինչ առաջին գինուորական ուղեկալները Տոր, Առաքել, Բանաձոր ուղարկուեցին միայն մայիսի 21ին: Քարագլուխ առաջինը տղաները գնացին 20ին, իսկ Միւլքուդարա 23ին, երբ գիւղերը լրի թալանուած էին:

17ի երեկոյան անընդհատ ինֆորմացիա էր հաղորդուում Երեւան, Ստեփանակերտ, ընդ որում ճշգրիտ տեղեկութիւնները զուգակցուում էին այնպիսի փաստերով, որոնք հետագայում չհաստատուեցին: Այդ նոյն օրը մի պահ դարձեալ խուճապային տրամադրութիւններ ստեղծուեցին Էդիլուի ենթաշրջանում, կապուած թուրքերի կողմից սպասուող ներխուժման հետ, սակայն խուճապը ժամանակին մարեց:

Մայիսի 21ին շրջանը որոշ չափով խաղաղուեց: Այդ գիշերը միակ միջադէպը Խծաբերդի կոլտնտեսութեան տաւարի գողութիւնն էր, որի մեղքը ինչպէս նախորդ շատ դէպքերում անելի շատ հերթապահների վրայ է ընկնում, քան թուրքերի:

Ակնյայտ է, որ այն ինչ տեղի է ունեցել Հաղորդի շրջանում նախապէս ծրագրուողուած էր եւ համաձայնեցրած ամենաբարձր ատենաների հետ: Բաւական է ասել, որ Հաղորդում տեղադրուած ներքին զօրքերը այդ օրերին մատը-մատին չխփեցին անգամ այն ժամանակ, երբ ակնյայտ էր, որ ասարտուել է անձնագրային ռեժիմի ստուգման էտապն ու բռնագաղթը եւ միայն թալան է տեղի ունենում: Զօրքերի հրամանատարութիւնը հէնց ինքն է խոստովանել, որ իրենց կարգադրուած է ոչ մի բանի չմիջամտել: Նոյնիսկ Մայիսի 15ին, երբ պարետ ժուկովը ուղղաթիռով Ստեփանակերտ ժամանեց Առաքել եւ իր աչքերով տեսաւ, թէ այնտեղ ինչ է կատարուում, վիճակը ոչնչով չփոխուեց: Գետաշէնի դէպքերից, Մուսալիբովի Ապրիլի 27ի յայտարարութիւնից եւ Մայիսի 13ի մամուլի ատուկից յետոյ էր, որ Ղարաբաղին հերթական ծանր հարուած էր սպասուում: Եւ այդ հարուածը կարելի էր կանխել միայն ու միայն ժամանակին քաղաքական քայլեր ձեռնարկելով: Բաւականին փաստեր կային ենթադրելու, որ հարուածի սուր ծայրը առաջին հերթին դէպի Հաղորդի շրջանն է ուղղուելու եւ պատահական չէ, որ այստեղ անելի մեծ ակտիւութեամբ էր աշխատանք տարուում բանակցութիւնների գնալու ուղղությամբ, չնայած այնքան էլ պարզ չէր, թէ բանակցութիւններով հնարաւոր կը լինէր արդեօք կանխել հասունացող դէպքերը: Պարզ է միայն, որ շրջանի սեպարատ բանակցութիւնները ոչինչ չէին տալու, եւ եթէ պէտք էր գնալ բանակցութիւնների, ապա միայն ու միայն մարզային մակարդակով եւ միութեան կողմի բարեացկամութեամբ ու միջնորդութեամբ: Լոկ ցանկութիւնը դեռ քիչ էր բանակցութիւնների կստելու եւ ինչ որ հարցեր լուծելու համար: Այս դէպքում էլ դժուար է ասել, թէ ինչն է խանգարել բանակցութիւնների գնալուն, ցանկութեան պակասը, թէ մի այլ բան: Արտայատուեց նաև մի տեսակէտ, ըստ որի պէտք է դիմակայել այս հարուածն եւս եւ յետոյ տեսնել, թէ ինչ պիտի անել: Փաստօրէն այդպէս էլ եղաւ: Հիմա փորձում ենք վերացնել հա-

րուածի հետեւանքները, չնայած պարզ է, որ լրի կերպով անհնար էր դա անել: Այսօր մենք ուզենք թէ չուզենք պէտք է հաշտուենք Բիւնեաթլու, Ջիլան, Արփա-գետաղուկ գիւղերի կորստի հետ: Դա արդէն կատարուած փաստ է: Այստեղ հարցը գիւղերի մէջ չէ, որոնց բնակչութիւնը փոքրաքանակ էր եւ ծերունիներով բնակեցուած, որոնք ամենաբարուք պայմաններում էլ երկար չէին գոյատեւի, այլ նրանում, որ մենք տարածք ենք կորցնում: Եւ յետոյ դեռ չէր վերացել նոր հարուածների վտանգը: Դիմակայելով ամէն մի հարուածի նոյն մտայնութեամբ եւ նոր կորուստների գնով, մի գեղեցիկ օր պիտի տեսնէինք, որ այլեւս կորցնելու ոչինչ չունենք: Ինչ վեաբերում է ի վերուստ ծրագրուածի կոնկրետ իրագործմանը, ապա պէտք է խոստովանել որ դրա յաջողութեանը նպաստեցին մեծ չափով խուճապը եւ անկազմակերպութիւնը: Իսկ վերջինս էլ պայմանաւորուած էր բնակավայրերի եւ շրջկենտրոնի միջեւ նորմալ կապի բացակայութեամբ, բազմաթիւ ապակողմնորոշիչ եւ ուղղակի սուտ լուրերի տարածմամբ: Փաստօրէն նոյնիսկ մի գիւղում չգիտէին, թէ հարեւան գիւղում ինչ է տեղի ունենում: Բացասական դեր խաղաց նաև այն մտայնութիւնը, ըստ որի կասկածի տակ էր առնուում շարժման արդարացիութիւնը, այն միայն մի խումբ մարդկանց վերագրելը, այդ մարդկանց հասցէին մեղադրանքներ ու լուտանքներ թափելը թէ բնակչութեան որոշ խմբերի եւ թէ յատկապէս դէկավար աշխատողների կողմից, ինչ որ փաստօրէն կաշկանդեց ակտիւիստներին դիմելու ակտիւ գործողութիւնների:

Ես միտումնաւոր կերպով անուններ չիշատակեցի, ոչ թէ խուսափելով նրանից, որ կարող եմ մէկին վիրաւորել, իսկ մէկ ուրիշին սուբէկտիւօրէն մեղադրել, այլ այն պատճառով, որ կարծում եմ դրա անհրաժեշտութիւնը չկայ: Կատարուածի համար բոլորս հաւասարապէս պատասխանատու ենք եւ կարծում եմ, որ մենք ոչ թէ պէտք է հաշիւներ մաքրենք եւ միմեանց մեղադրանքներ ներկայացնենք, այլ կատարուածից դասեր առնենք եւ նոր սխալներ թոյլ չտանք, որոնցից տուժողը վերջին հաշուով մեր ժողովուրդն է:

Այս ամէնը ես շարադրել եմ Մայիսի 31ին, որից յետոյ դէպքերը կրկին այլ ընթացք ստացան:

Ինչպէս արդէն նշել եմ 17ից մենք հսկողութեան տակ վերցրեցինք Տոր եւ Ծամձոր գիւղերը: Առաջինի թալանը ամբողջութեամբ կանխել հնարաւոր չէղաւ, իսկ երկրորդը կարողացանք ապահով պահել: 21ին, գինուորական ուղեկալները տեղադրելուց յետոյ, սկսեցին, թէկուզ եւ դժուարութեամբ, իրենց գիւղերը վերադառնալ բանաձորցիները եւ առաքելցիները: Խանաձորցիները իրենք իրենց ուժերով եւ Հին Թաղերի ու Սպիտակաշէնի տղաների օգնութեամբ կանխեցին գիւղի հետագայ թալանը եւ համարեա լրի վերադարձան: 26-27ին յետ վերադարձաւ Հաղորդում գտնուող քարագլխեցիների մի մասը: 28ին առաջին ջոկատը մշտական տեղադրուեց Մուլքուդարայում: Այս գիւղի հարցում դժուարն այն էր, որ ամբողջ գիւղը քշուել էր Գորիս եւ Հաղորդում գիւղից նախկինում վերաբնակուածներն էլ ընդամենը մի քանի հոգի էին: 31ին ինքս անձամբ մի ուրիշ ջոկատի հետ գնացի փոխելու տղաներին: Այն ինչ տեսայ գիւղում (մինչ այդ ես Ծամձորում էի լինում եւ թալանուած որեւէ գիւղ դեռ չէի գնացել) միայն մի նա-

խաղասութեամբ կարելի էր բնորոշել. «Այստեղով թուրք է անցել»: Այնուամենայնիւ մենք մտածում էինք, որ ամէն ինչ կորած չէ եւ ոգեւորութեամբ աշխատում էինք. բոստաններն էինք ջրում, լոբու սարիները տնկում, էլեկտրական գծերը տորոգում, որպէսզի տներում լոյսերը վառ լինեն եւ տպաւորութիւն ստեղծուի, որ գիւղը կենդանի է: Գիւղում մնացած երեք շները մի քանի օր կանոնաւոր սնուելուց յետոյ սկսեցին հաչել, իսկ միակ էշն էլ սկսեց գռռայ: Թում էր, թէ ամէն ինչ դէպի լաւն է գնում: Բայց ասա՛ր...»

Յունիսի Յին մենք զգուշութեամբ Նորատակով բարձրացանք գիւղի թիկունքի բարձունքը այնտեղից հսկելու գիւղն ու շրջակայքը: Եւ այն ինչ տեսանք Բարագըլխում միայն հաստատեց մեր ակամայ զգուշութեան իրաւացիութիւնը: Բարագըլխի տակ գտնուող թուրքական Մագրա գիւղում ուղղաթիւ էր իջած, որը մինչեւ վայրէջքը հասցրել էր մի անգամ գնդակոծել գիւղը: Յետոյ մենք իմացանք, որ վիրաւորուել էր մի վաթսունն անց «բայելիկ», որ գիւղում գտնուող ծերերին թուրքերը բաց էին թողել, իսկ վեց երիտասարդներից չորսին էր միայն յաջողուել փախչել, մնացած երկուսն բռնել էին: Ուրեմս Բարագըլխը լցուած էր ՕՍՕ-Նականներով ու մեքենաներով: Զգում էինք, որ ինչ որ բան է տեղի ունենում գիւղում, բայց դժուարանում էինք հաւատալ վատթարագոյնին: Այդ ընթացքում մի ռազմական ուղղաթիւ իջաւ: Յետոյ Ծամձոր գալով իմացանք, որ այդ ուղղաթիւնով ժամանած շրջանի ղեկավարութեան եւ պարետատան Ներկայացուցչին ցոյց են տուել Ադրբեջանի Գերագոյն խորհրդի որոշումը Բարագըլխը եւ Դուլանլարը թուրքերով բնակեցնելու մասին: Իմացանք նաեւ, որ Նախորդ օրը Դուլանլարում ՕՍՕՆը դարան էր սարքել եւ տղաները հրաշքով էին դուրս պրծել, երբ գիւղ այցելութեան էին գնացել, որ Հին Թաղերի հօտն էին բշել երեք հոգու հետ միասին, որոնցից մէկին սպանել էին եւ մէկին բաց թողել, երրորդի տեղն անյայտ էր: Իսկ մենք առաւօտեան տաւարի ետեւից ման եկող չորս թուրքի, որոնք հասել էին Միւլքուդարայի տակ, թողեցինք հանգիստ յետ դառնան, զգուշանալով հետագայ անցանկալի երեւոյթներից, այնինչ անցանկալին արդէն տեղի էր ունենում առանց դրա էլ: Իմացանք, որ Խծաբերդ, Հին Թաղեր եւ Խանձաձոր գիւղերի բնակիչներին այլեւս պահել հնարաւոր չէ, որովհետեւ Բարագըլխի գրաւումով նրանց հետ միակ կապը՝ նոր կառուցուած ճանապարհը, կտրուում է, որ Առաքելից ու Բանաձորից ուղեկալները հանել են եւ մարդիկ կրկին Հաղորութ են վերադարձել: Երեկոյեան դէմ ուղղաթիւնը հետախուզական թռիչք կատարեց Ծամձորի վրայ: Ստածում էինք, որ յաջորդ օրը երեւի Ծամձորի հերթն է եւ գուցէ այստեղ մի վերջին մարտ տանք ու հեռանանք, ինչպէս ասում են, դուռը շրխկացնելով: Բայց ցաւն այն է, որ Նշուածս բոլոր գիւղերի դիրքը մեր սակաւ ուժերով կռուելու համար շատ անյարմար է: Չկայ անտառ իսկ ուղղաթիւնի առկայութեան պայմաններում մերկ լանջերի վրայ կռուելը անխուսափելի մահուան է հաւասար: Երեկոյեան մենք յանձնեցինք հերթափոխը եւ վերադարձանք Հաղորութ: Այսօր Յունիսի 4ն է: Մայիսի 21ից, երբ առաջին հարուածի եւ թալանի ալիքը տեղի տուեց (Ասենք թալանելու բան էլ չէր մնացել), արդէն անցել է երկու շաբաթ: Փաստօրէն ոչինչ չձեռնարկուեց հարցի քաղաքական լուծման ուղղութեամբ, կամ գուցէ ձեռնարկուել է, բայց անարդիւնք, չգիտեմ: Այժմ վրայ է հասել

երկրորդ էտապը, գրաւուած հողերի իւրացումը, եւ չեն պատկերացնում, թէ դա ինչպէս կը կանխուի սակաւակարող եւ սակաւաւու մեր շրջանի կողմից: Անշուշտ կը լինեն կռուելու պատրաստ 10 կամ 100 հոգի, բայց դա կը լինի ընդամենը սփոփանք որպէսզի հետագայում ասենք, որ պատուով մեռանք: Գուցէ ես մնայլ եմ ներկայացնում ամէն ինչ, բայց չէ, երեւի ուղղակի Հաղորութից դուրս չեն պատկերացնում այստեղի վիճակը:

Լ. Մարտիրոսյան

4.06.1991 Հաղորութ

3.9.

Համարեա երեք ամիս անց կրկին անդրադառնալով շարադրուածին կարող եմ ակնկէցնել, որ Յունիսի Յին թողնուել է Խանաձոր գիւղը, Յունիսի Յին Ծամձորը: Ծամձորից յետոյ տղաները մօտ մէկ ամիս հերթապահում էին Սարենշէն գիւղում, թոյլ չտալով թուրքերին Ծամձորից բարձրանալ վերեւ: Սակայն Յունիսի 4ին շրջանի պարետ Վ.Ի. Կրաւչենկոյի առաջնորդութեամբ ՕՍՕՆը տիրացել էր նաեւ Սարենշէնին: Երկու էր մի երկու օր յետոյ Սարենշէնում գինուորական կարգապահութեամբ էր տեղադրուել, սակայն գիւղից վերեւ բարձունքում, Նորակառոյց հեռուստակայանում, ՕՍՕՆականները շարունակում են պահել իրենց պահակակետը, որի պատճառով էլ գիւղի բնակիչները վախենում են յետ վերադառնալ: Ինչ վերաբերում է Հին Թաղերին եւ Խծաբերդին ապա այդ գիւղերի բնակիչները սկզբում փախել էին Տումի, յետոյ գինուորական կարգապահութեամբ տեղադրելուց յետոյ վերադարձել են գիւղերը, սակայն առ այսօր շրջկենտրոնի հետ տրանսպորտային եւ հեռախոսային կապ չկայ: Փաստօրէն բռնազաղթուած եւ թալանուած գիւղերից միայն Տորի բնակիչներն են ետ վերադարձել եւ շարունակում են ապրել իրենց գիւղում շնորհիւ գինուորականների ներկայութեան:

Յունիսի կեսերից սկսած Բանաձոր, Առաքել, Ծամձոր, Դուլանլար գիւղերը բնակեցնուել են ադրբեջանցիներով: Այդ նոյն ժամանակ կրկին Հաղորութում յայտնուած դեռեւս մէկ տարի առաջ ստեղծուած կազմաբիրոյնի Նախագահ Զուրկովը բազմեց կուսընկերուի շէնքում եւ մի պահ եղաւ, որ փաստօրէն շրջանի ղեկավար աշխատողները հաշուի էին նստում նրա հետ: Պարետ Կրաւչենկոյն սկսեց «աշխատանք տանել» շարժման ակտիւիստների հետ եւ ակնյայտ էր նըրանց ամէն պահի ձերբակալելու հնարաւորութեան փաստը: Շրջանում ստեղծուեց ծանր իրավիճակ եւ բարոյա-հոգեբանական մթնոլորտ: Հաղորութ եկած փախստականների մի մասը տարբեր ճանապարհներով, հիմնականում գինուորական ուղղաթիւներով տեղափոխուեց շրջանից: Հաղորութի բնակիչներից ոմանք նոյնպէս սկսեցին լրջօրէն մտածել եւ համապատասխան քայլեր ձեռնարկել վերաբնակուելու ուղղութեամբ: Եւ միայն Յունիսի կեսերին վիճակն սկսեց որոշ չափով կայունանալ: Մարդիկ սկսեցին վերագնահատել կատարուածը եւ խուճապային տրամադրութիւններն ու հիասթափութեան զգացումը աստիճանաբար տեղի տուեց:

30.08.1991թ.

ՑՈՒՑԱԿ

Հաղորդի շրջանում

թուրքերի յարձակումների հետեանքով զոհուածների

1. Ցիմբալիկ Իգոր Սիլալովիչ, Եյտենանտ, զոհուել է Հախուլլու գիւղում պարեկութեան ժամանակ, 10. 01. 90թ.
2. Յարութիւնեան Էդիկ Առաքելի ծն. 1946, գ. Հակակու, ատովարորդ, անհետացել է Դիրմանաբանդ տեղամասում, 23. 06. 90թ.
3. Համբարձումեան Եղիշէ Տիգրանի, ծն. 1927, գ. Մեծ Թաղար, թռչակառու, չի վերադարձել անտառից, 3.11.90, դիակը գտնուել է 16.12.90
4. Չաքմազեան Համբարձում Սիմոնի, ծն. 1935թ., գ. Մեծ Թաղար, բանուոր, զոհուել է սովխոզի բազայում պահակութեան ժամանակ, 1.12.90
5. Յարութիւնեան Նիկոլայ Իւանի, ծն. 1929, գ. Մեծ Թաղար, բանուոր, զոհուել է սովխոզի բազայում պահակութեան ժամանակ, 1.12.90թ.
6. Յովակիմեան Ռաֆիկ Լալազարի, ծն. 1945թ. գ. Ծամձոր, Նախագահ, զոհուել է Ֆերմայում հերթապահութեան ժամանակ, 3.12.90թ.
7. Տօնեան Աշոտ Առուշանի, ծն. 1926թ., գ. Բանագոր, բանուոր, զոհուել է գինու գործարանում պահակութեան ժամանակ, 4.04.90թ.
8. Մետրոպեան Սուրէն Վաղիմիրի, ծն. 1926թ., գ. Դրախտիկ, բանուոր, զոհուել է սովխոզի հանդերում պահակութեան ժամանակ, 17.04.90թ.
9. Կարապետեան Էմմա Սարգսի, ծն. 1931թ., գ. Արփագետաղուկ, թռչակառու, զոհուել է գիւղը թալանելու ժամանակ, 15.05.91թ.
10. Կարապետեան Սուրէն Յակոբի, ծն. 1929թ., գ. Արփագետաղուկ, թռչակառու, զոհուել է գիւղը թալանելու ժամանակ, 15.05.91թ.
11. Յակոբեան Հայասէր Սամուէլի, ծն. 1934թ., գ. Արփագետաղուկ, կուտնտեսական, զոհուել է գիւղը թալանելու ժամանակ, 15.05.91թ.
12. Մանասեան Հայկանուշ Հայրապետի, ծն. 1936թ., գ. Արփագետաղուկ, կուտնտեսական, զոհուել է գիւղը թալանելու ժամանակ, 15.05.91թ.
13. Ստորոժիցկի Իւան Ալեքսանդրովիչ, ծն. 1952թ., պրապորշչիկ, զոհուել է Արփագետաղուկ գիւղը թալանչիներից պաշտպանելիս
14. Խուդադեան Միշա Գրիգորի, ծն. 1936թ., գ. Հին Թաղար, կուտնտեսական, գերեվարուել է Նախիրը պահելու ժամանակ 03.06.91
15. Շահէն, ծն. 1947թ. ք. Աբովեան, գ. Զարդաշէն, զոհուել է Խանաձորը թուրքերի կողմից վերագրաւելու ժամանակ, 12.08.91թ.
16. Աազեան Հրանտ Աետիսի, ծն. 1927թ., գ. Տումի, գոտելիսիկ, զոհուել է Տողի միջով մեքենայով անցնելիս
17. Գրիգորեան Էդիկ Սաղաթի, ծն. 1940թ., գ. Տումի, ատովարորդ, զոհուել է Տողում ատոբուսի գնդակոծման ժամանակ, 7.09.91թ.
18. Բաբայեան Սերժիկ Սեդրակի, ծն. 1947թ., գ. Թաղոտ, բանուոր, զոհուել է Տողում ատոբուսի գնդակոծման ժամանակ, 7.09.91թ.
19. Գասպարեան Լիրա Համբարձումի, ծն. 1958թ., ք. Ստեփանակերտ (Տումի), զոհուել է Տողում ատոբուսի գնդակոծման ժամանակ, 7.09.91թ.
20. Գասպարեան Եաշա Շահէնի, ծն. 1935թ., գ. Աղբուլաղ, բանուոր, զոհուել է գիւղի Նախիրը պահելու ժամանակ, 9.09.91թ.
21. Գասպարեան Իւրա Եաշայի, ծն. 1958թ., գ. Աղբուլաղ, բանուոր, զոհուել է գիւղի Նախիրը պահելու ժամանակ, 9.09.91թ.
22. Շադեան Ալեքսանդր Ալեռայի, ծն. 1965թ., գ. Հին Թաղար, մոնտեր, զոհուել է գիւղի մերձակայքում հերթապահութեան ժամանակ, 12.09.91թ.

Արթուր Մկրտչյան

Ի՞նչ է տեղի ունեցել Հաղորուում

Ստորագրված է տպագրության 05.05.92թ.:
Չափսը՝ 60x84 1/16: Տպագրության եղանակը՝ օֆսետ:
Տպագրական 1 մամուլ = 0,93 պայմանական մամուլ:
Պատվեր՝ 131: Տպաքանակ՝ 10000 օրինակ:
Գինը՝ պայմանագրային:

«Միքայել Վարանդեան» հ/պ փոքր ձեռնարկություն,
Երեւան, Շոպրոնի փողոց, թիվ 21